

К 105-летию со дня рождения и 25-летию со дня пострижения в монашество монахини Параскевы (в миру Медведевой Анны Павловны)

День рождения – 21.11.1914 г.

День пострига – 28.02.1994 г.

День смерти – 11.04.1994 г.



Акафист иночествующим и в девстве живущим, написанный епископом Тихоном (Тихомировым) и подаренный Анне Павловне Медведевой (будущей монахине Параскеве) 20 ноября 1943 г. на молитвенную память ко дню Ангела (мц. Анны, 22 ноября по старому стилю).

+

Дорогой Нюше
На молитвенную память
ко дню Ангела. Цвети, бла-
гоухай, храни как зеницу
ока, свое бесценное сокровище,
и не давай угаснуть све-
тильнику, который сам Же-
них твой возжег в тебе во
дни твоей ранней юности
и да поможет тебе в
этом этом посильный труд.
От всегда помнящего ее св
20 ноября МГ

+

Дорогой Нюше.

На молитвенную память
ко дню Ангела. Цвети, бла-
гоухай, храни как зеницу
ока, свое бесценное сокровище,
и не давай угаснуть све-
тильнику, который сам Же-
них твой возжег в тебе во
дни твоей ранней юности
и да поможет тебе в
этом этом посильный труд.
От всегда помнящего е. Тихона...
20 ноября 1943 г.

Акафист
иночествующим и
в девстве живущим

Кондак 10

Спасти хотяй мир от растрления греховнаго, Господи, Ты явил на земле корень девства и неувядаемый цвет чистоты Благодатную, Непорочную, Нетленную Деву Пречистую Матерь Твою, яже принесе нам райское произрастение, небесное девство, его-же лишися Ева, за преслушание. Сия первая от человек принесе себе в храм Господень во всецелую и непорочную жертву Богу и даде обет всесовершеннаго девства, его-же чудесно соблюде в рождестве своем, зачавши же нетленно от Духа Свята, подпаде подозрению, яко бракоокрадованная, и радуяся, претерпе поношение за девственную чистоту свою восклицаяще: Тебе, Женише Мой, девствую, и со Ангелы пою Тебе: Аллилуиа.

Икос 10

Царю Превечный Иисусе Христе, Перводевственниче, яко от Девы рожденный, Ты источил еси, из недр Божества нетленное девство, и обожив пречистую плоть Свою, насадил еси равноангельское житие на земли, да вси труждающиеся и обремененнии грехами возмогут приити к Тебе, подъяти иго Твое благое и легкое и обрести покой душам своим. Сему гласу Твоему последующе, сонмы преподобных и дев честных, их-же не бе достоин весь мир, оставиша грады и веси своя, да послужат в девстве, благоговении и постничестве на всяком месте владычества Твоего: в пустынях, пещерах, в горах, столпех, затворех, в раселинах каменных и на островах морских, по скончании же земнаго странствия, да предстанут Тебе, Царю Ангелов в святых ризах, и яко волхвы, принесут Тебе дары девства, целомудрия и чистоты, вопиюще и глаголюще: Иисусе, Дивный в ликах девственных, окрыли мя крылами, да вознесется горе дух мой. Иисусе, Красен Сый паче всех сынов человеческих, даждь ми в чистоте девства послужити Тебе, да обрету семена воскресения плоти моя. Иисусе, Женише Грядый в полунощи возставати на Твое славословие. Иисусе, просвещение верных, просвети ми ночь сладостию словес Твоих. Иисусе Пресладосный, преподобных радование, сохрани мя в преподобии и правде. Иисусе Премилосердный, постников воздержание, постом нелицемерным очисти душу мою. Иисусе Претихий, монахов радости, небеснаго ми сподоби веселия. Иисусе Премилостивый, инокинь утешение, райское ми подаждь нетление. Иисусе Пречестный, девственных целомудрие, погаси во мне весь пламень страстный. Иисусе Преславный, пустынных сладосте, услади сердце мое тишиною помыслов. Иисусе Предивный, кающихся прибежище, обвяжи вся струпы моя. Иисусе Прелюбимый, падающих воздвижение, возведи мя из тины греховныя.

Иисусе, Женише мой, Тебе ради девствую и держа горящий светильник, сретаю Тя.

Кондак 11

Пение всеумиленное приносят Ти, Женише мой Христе, святая служительницы брачнаго чертога Твоего, мудрыя девы, и вкупе величают блаженную Богоневесту Твою Чистую Деву – Церковь Твою, сияющую, яко снег, целомудренную и непорочную, юже Ты возлюбил еси и Себе предал еси за Ню, да освятиши Ю, и представиши Ю Себе славному Церковь, не имущу скверны и порока, но да будет свята и непорочна. С ними же и мы, яко мудрии Твои девы внидем на брак Жениха, свещи своя воспламеним в душах и, яко невеста, облечемся в светлыя ризы целомудрия, девства и чистоты, вопия Ему: Аллилуиа.

Икос 11

Свет незримый, теплоту сердечную и умиление душевное стяжавше чисте и непорочно в подвизе девства жительствующии, плотию еще на земли суще, душами же своими соприкасахуся уже горних обителей небесных. Елицы бо в Тя, Христе, облекошася, нова тварь быша и се бысть им вся нова: мимоиде тление, и горькия болезни, пожерта бысть смерть, погибе всякое безумие, скончася всякая душепагубная скорбь, возсия бо смертным веселие девства и присное радование, его-же и нас, Христе, сподоби, Тебе вопиющих: Иисусе, Тихий Свете, озари мя в невечернем дне Царствия Твоего. Иисусе, Свете мира, избави мя от власти темныя плоти моея. Иисусе, одеяйся светом, яко ризою, облеку мя в ризу светлу девства и чистоты. Иисусе, во свете Живый неприступнем, во свете заповедий Твоих направи стопы моя. Иисусе, Сияние Славы Отчия, осияй мя немерцающим светом Святаго Евангелия Твоего. Иисусе, Блистание Божественнаго Света, облистай мя чистотою святаго Слова Твоего. Иисусе, Просвещение во тьме сидящих, просвети сердце мое помраченное страстьми. Иисусе, Озарение к Тебе грядущих, озари мя любовию Креста Твоего. Иисусе, Солнце Правды, воспламени огнь любве Твоея в охладевшем сердце моем. Иисусе, Светлосте безконечная, во светлостех святых Твоих в рай введи мя недостойнаго. Иисусе, Огню Чистительный, попали пристрастие мирское во мне таящееся. Иисусе, Заре Живительная, чистыми зарями небеснаго девства потреби тьму во мне гнездящуюся. Иисусе, Женише мой, Тебе ради девствую и держа горящий светильник, сретаю Тя.

Кондак 12

Благодать девства явися миру в нетленном рождестве Твоем от Чистой Девы, Спасе. Ты бо первенец был еси, иже не от крове, не от похоти плотския, не от похоти мужеския, но от Бога родишася. Сего ради возвеселися Дева Церковь, зряще чада Твоя от Духа Свята вторицею нетленно рожденныя и припадающия ко святей дружине, Преподобных Твоих, яко исполнися на тебе Иса-

ино проречение: Возвеселися неплоды нерожающая, возгласи, возопий нечревоболевшая, яко многа чада пустыя, паче нежели имущия мужа. Сие таинство зряще, Херувим отступи от древа жизни и, се врата райския паки отверзаются и лица девственнии, избегше похоти лукавого змия, нетленнии, безстрашнии, блажении внидоша в Небесный Чертог, выну воспевая Тебе: Аллилуиа.

Икос 12

Поюще новую песнь чертога брачнаго, се предстоят Престолу Твоему, Блаженне, лица девственнии сто и четыредесять и четыре тысячи, имуще имя Отца Небеснаго на челех своих и бысть глас пения их, яко глас грома велика и никтоже можаше навькнуги песни тоя, токмо иже не оскверниша плоти своея, зане суть девственницы. Сии последуют Агнцу, аможе аще поидет, яко сии первенцы Твой суть от всех людей и не обретеса лесьть во устах: без порока бо суть пред Престолом Божьим. Сему дивному видению во Откровении девственному Иоанну явленному дивящися, познаим коль высоко пред Тобою девство в чистоте и безмятежии вкупе с постом и нестяжанием проводимое. Сего ради со страхом многим и теплотою сердечною воспоим Тебе сице: Иисусе с девственным Иоанном помози ми сохранитися в чистоте девства во вся дни живота моего. Иисусе с пламенеющею любовию Магдалиною согрей хладную душу мою теплотою любве Твоея. Иисусе с Никодимом в нощи к Тебе пришедшим, всегда насыщай мя в нощныя часы молитвенною сладостию беседы Твоея. Иисусе с Аримафеем чистою плащеницею обвившим Пречистое Тело Твое, сподоби ми чистою душею и телом восприяти Тя. Иисусе с горько оплакавшем свое отречение Петром, даждь ми чистыми слезами оплакивати вся греопадения моя. Иисусе, с положившим начало покаяния Закхеем, помози ми начати новую жизнь угодную Тебе. Иисусе, с Марфою многотрудною, приведи мя трудами и подвиги с любовию послужити Тебе. Иисусе, с Мариєю боголюбивою сподоби ми искати при ногу Твоею единое на потребу утешение многоскорбной душе моей. Иисусе с целомудренною блуницею даждь ми тьмами слез моих уцеломудрити мрачное и темное житие мое. Иисусе с разбойником благоразумном помяни мя во царствии Твоем. Иисусе с лики мудрых дев приведи мя в храм царев в веселии и радовании. Иисусе, с Пречистою Материю в храм на обручение Девства Ея введенной, введи мя к таинственному обручению с Тобою на веки. Иисусе, Женише мой, Тебе ради девствую и, держа горящий светильник, сретаю Тя.

Кондак 13

О Пресладкий и Всещедрый Женише мой Иисусе, о радости моя и крепосте, и пристанище тихое и небурное всем к Тебе притекающим и Твоим стопам последующим! Тебе посвящаю все житие мое, Тебе обручаю девство мое, Тебе ради прииму Крест мой и вменяю в уметы (в сор) вся благая и красная мира сего. Призри на веру и смирение души моея, прими обеты и воздыхания моя, да не бесплодно будет покаяние мое, избави мя от всех врагов видимых и невиди-

мых, встающих на мя, да бодренным сердцем и трезвенною мыслию всю настоящего жития ночь перейду, и с лики мурых дев совниду в Небесный Чертог Твой и воспую Тебе: Аллилуиа.

Сей Кондак чти трижды и по сем паки чти Икос 1-ый: Ангелов лики и Кондак 1-ый: Избранный Женише.

Молитва.

Господи Иисусе Христе Боже наш, Един Святыя Троицы, от Чистыя Девы нетленно родивыйся и в Пречистой Плоти Своей явивый небесное девство и Божественную Чистоту. Ты на Кресте усыновил еси Пречистой Матери Твоей Деве Марии возлюбленнаго ученика Твоего и наперстника девственнаго Иоанна, показуя тем, яко вси сохранивши Тебе ради девство свое вверяются Ея Материнскому попечению и чада Ея суть. Ты Апостолом Твоим повелел еси оставити дома своя и вся присныя и родныя своя и взмещи крест свой, по Тебе идти и святым женам мирносицам любви ради к Тебе не возбранил еси соупостовати и служити Тебе, не возбрани и нам отложить вся житейская попечения и по Тебе идти. Ты призвал еси в Своя Отеческия объятия вся страждущии и обремененныя грехами люди, с мытари и грешники трапезовал еси и болящим, а не здравым Милостивый Врач был еси, не возгнушайся и мене, яко блуднаго сына к Тебе возвращающася и сподоби ми отныне служити Тебе, якоже прежде поработах сатане льстивому и не вспоминати суеты мирския. Время убо прекращено есть и преходит образ мира сего. Сего ради да будут по слову богоглаголиваго Твоего Павла имущии жены, яко не имущии, радуущиися, яко не радующиися, купующие, яко не приобретающие, требующие мира, яко не требующие. Наипаче же помози нам, Господи, сохранитися в целомудрии и чистоте девства, во еже невозбранно послужити Тебе, якоже глаголет Писание: не оженивыйся печется о Господних, како угодите Господеви, а оженивыйся печется о мирских, како угодити жене, такожде и непосягшая дева печется о Господних, како угодити Господеви, да будет свята телом и духом, а посягшая печется о мирских, како угодити мужу, и таковыя скорби по плоти имети будут.

О, Всеблагий Владыко, избави нас от сих скорбей по плоти, и от избытка попечений о плоти бывающих и помози не пещися, что ямы, что пиемы, чим одеждемся, яко душа больше одежды и тело – пищи, яко жизнь человеческая не зависит от избытка имений. Еще со умилением молимся Ти, Всещедрый Господи, помози нам отложить вся мирскаго жития обычаи и пристрастия, и даруй единое на потребу души моея – совершенное отсечение воли моея и своего сиразумения, да предан буду отныне Тебе Единому Безсмертному Жениху моему верую бо и уповаю, яко сохранит мя в безпечалии от всех искушений и обстояний вражиих Твоя святейшая Воля и Твое всесовершенное Разумение. Мне же да будет единое желание, еже жити ми в дому Твоем во вся дни живота моего, зрети красоту Твою и посещати храм святыи Твой.

Не отврати лица Твоего от мене раба Твоего за невоздержание мое и помози не токмо в телесней сохранитися чистоте, но омыти слезами умиления

всю душу мою, да чисто и целомудренно будет зрение мое, слух же и язык мой, да не внидет злосмрадие греховное во внутреннюю скинию сердца моего, страшуся бо и трепещу, да не како с юродивыми девами изринут буду во тьму кромешную из Небеснаго Чертога Твоего.

О Всемилостиве и Всеблажене, Господи, приими на увещание с Собою душу мою и тело, во еже предоставить е в жертву чистую, благоугодную для разумного служения Тебе, во еже не сообразоваться тьме века сего и похотем плоти моя, но преобразоваться обновлением ума моего. И тако да будем вси служити Тебе в чистом девстве, до скончания живота своего, духом горяще, любовию пламенеюще, Тебе, Господи, работающе, упованием радуящиеся, скорби терпяще, в молитве пребывающе, страннолюбия держащиеся и со умилением славословяще Тя, с Пресвятым Твоим Отцем и Всеблагим и Животворящим Твоим Духом ныне и присно и во веки веков. Аминь.

Материал подготовил
+ еп. Гедеон.